

Broj: 02-3-1-3591-1/25
Sarajevo, 09. 06. 2025.

O G L A S
O UPISU U PRVU GODINU INTEGRIRANOG STUDIJA MEDICINA
NA UNIVERZITETU U SARAJEVU - MEDICINSKOM FAKULTETU
PRVI PRIJAVNI ROK

U skladu sa Konkursom Univerziteta u Sarajevu za upis studenta u prvu godinu studija na Univerzitetu u Sarajevu u akademskoj 2025/2026. godini, objavljenim 09. 06. 2025. godine i Planom upisa Univerziteta u Sarajevu, Univerzitet u Sarajevu - Medicinski fakultet upisuje **80 redovnih studenata (čije troškove studija snosi osnivač)** i **70 redovnih samofinansirajućih studenata** u prvu godinu integriranog studija Medicina akademske 2025/2026. godine.

Terminološko korištenje muškog ili ženskog roda u ovom Konkursu podrazumijeva uključivanje oba roda.

Prijava kandidata na Konkurs za upis u prvu godinu integriranog studija provodi se **isključivo** online putem Informacionog sistema eUNSA i web stranice www.upis.unsa.ba

Web stranice Univerziteta u Sarajevu i eUNSA informacionog sistema sadrže sve informacije i detaljne upute o načinu registracije na eUNSA informacioni sistem, te načinu i rokovima za upload dokumenata za online prijavu na Konkurs. www.upis.unsa.ba

**ZA SVA TEHNIČKA PITANJA PRILIKOM REGISTRACIJE KANDIDATA NA PLATFORMU ZA ONLINE UPIS
MOLIMO KONTAKTIRAJTE UNIVERZITETSKI TELEINFORMATIČKI CENTAR**
kontakt telefon: +387 33 560 240
kontakt e-mail: upis@unsa.ba

PRVI PRIJAVNI ROK:

- **Od 09. 06. do 27. 06. 2025. godine** za fakultete/akademije gdje je predviđeno polaganje prijemnog ispita.
Prijavni rok se zatvara 27. 06. 2025. godine u 16,00 sati.

Svaki kandidat koji putem informacionog sistema eUNSA izvrši prijavu za upis na fakultet na kojem se polaže prijemni ispit obavezan je polagati prijemni ispit, u protivnom njegova prijava neće biti razmatrana.

Prijemni ispit na Univerzitetu u Sarajevu - Medicinskom fakultetu održat će se u četvrtak, 03. jula 2025. godine sa početkom u 08,00 sati u amfiteatrima Medicinskog fakulteta. Tačan raspored polaganja po amfiteatrima bit će naknadno objavljen.

DOKUMENTI POTREBNI ZA ONLINE PRIJAVU NA KONKURS

Podaci o kandidatima koji su srednju školu završili u Kantonu Sarajevo prilikom registracije povezuju se sa podacima u sistemu EMIS, te su dužni uploadovati **Uvjerenje o državljanstvu i Izvod iz matične knjige rođenih**.

Kandidati koji su završili srednju školu po međunarodnim programima u Kantonu Sarajevo dužni su skenirati i uploadovati dokumente **koji se ne nalaze u sistemu EMIS**.

Kandidati koji su srednju školu završili izvan Kantona Sarajevo, kao i kandidati koji su završili srednju školu u Kantonu Sarajevo a ne nalaze se u sistemu EMIS, dužni su skenirati i uploadovati slijedeće originalne dokumente:

1. Svjedočanstva o završenim razredima srednje škole završene u BiH u četverogodišnjem trajanju, odnosno odgovarajuće priznate (nostrificirane) dokumente za kandidate koji srednju školu nisu završili u BiH.
Napomena: *Ukoliko su dokumenti u postupku ekvivalencije, prilaže se potvrda kao dokaz da je postupak ekvivalencije/nostrifikacije u toku. Dokumenti izdati na stranom jeziku se prilažu prevedeni i od strane sudskog tumača ovjereni. Ovi kandidati mogu predati dokumente, sa obavezom da rješenje o ekvivalenciji predaju prije upisa na Fakultet. U skladu sa Pravilnikom o nostrifikaciji inostranih obrazovnih isprava u osnovnoj i srednjoj školi (Službene novine Kantona Sarajevo, broj: 20/19 i 23/21), nostrifikacija obrazovnih isprava pokreće se podnošenjem zahtjeva Ministarstvu za odgoj i obrazovanje Kantona Sarajevo na predviđenom obrascu.*

Ukoliko su kandidati sa završenom srednjom školom po međunarodnim programima koji su odobreni od nadležnog ministarstva, a čiji rezultati eksterne provjere znanja se objavljuju u avgustu ili septembru, kandidat prilaže predviđene ocjene (forecast grades) koje daju predmetni profesori, uz obavezu dostavljanja certifikata i /ili diplome prije početka studijske godine.

Strani državljani: dokaz o poznavanju b/h/s jezika, sa izuzetkom stranih državljana iz država nastalih nakon raspada SFRJ.

2. Diplomu o završenoj srednjoj školi
(Ovjeren prijevod za dokumente izdate na stranom jeziku)
3. Izvod iz matične knjige rođenih
(Ovjeren prijevod za dokumente izdate na stranom jeziku)
4. Uvjerenje o državljanstvu
(Ovjeren prijevod za dokumente izdate na stranom jeziku)
5. Druge dokumente relevantne za utvrđivanje broja bodova po kriterijima utvrđenim u Konkursu Univerziteta u Sarajevu za upis u akademsku 2025/2026. godinu, kao i dokumente relevantne za dokazivanje statusa pripadnosti kategoriji djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja, dokumente kojima se dokazuje stopostotni invaliditet.
6. Kandidati koji pripadaju posebnim kategorijama iz Kantona Sarajevo, pored dokaza o pripadanju posebnoj kategoriji dužni su uploadovati dokaz o prijavljenom prebivalištu u Kantonu Sarajevo – **CIPS potvrda**.
7. Strani državljani: dokaz o poznavanju b/h/s jezika
8. Uplatnica o uplati 100,00 KM – *materijalni troškovi prijemnog ispita*

Instrukcija o načinu uplate: Svrha doznake: Materijalni troškovi prijemnog ispita; Primalac:

Depozitni račun Kantona Sarajevo; Račun primaoca: 1411965320008475; Vrsta prihoda: 722659;

Općina: 077; Budžetska organizacija: 3502018; Poziv na broj: 0000000015

Napomena: Svaki kandidat koji putem web stranice www.upisi.unsa.ba izvrši prijavu za upis, obavezan je kroz sistem dodati uplatnicu za polaganje prijemnog ispita; u protivnom njegova prijava neće biti razmatrana.

U toku jednog prijavnog roka kandidatima će biti omogućena najmanje tri reizbora fakulteta/odsjeka/smjera, a o čemu će biti obaviješteni na početnoj stranici Informacionog sistema eUNSA.

Prijave podnesene putem informacionog sistema eUNSA poslije roka utvrđenog Konkursom kao i nepotpune prijave, neće se uzimati u razmatranje.

Nakon održavanja prijemnog ispita svi kandidati će dobiti kopiju svog urađenog testa.

Preliminarna rang lista kandidata (pod šifrom koju su kandidati dobili prilikom registracije, bez navođenja ličnih podataka), objavit će se putem informacionog sistema eUNSA kao i na web stranici i oglasnoj ploči Fakulteta u ponedjeljak, 07. 07. 2025. godine, od kada počinje teći žalbeni rok.

Kandidati, koji imaju prigovor na bodovanje svoga testa, mogu izjaviti žalbu u pisanoj formi, isključivo putem Protokola Fakulteta, navodeći tačno na šta se žalba odnosi, nakon objave Preliminarne rang liste (**do srijede, 09.**

07. 2025. do 15,30h). Komisija za žalbe razmatrat će pristigle žalbe u četvrtak, 10. 07. 2025. godine u 10,00 sati, kada i kandidati koji su izjavili žalbu trebaju biti lično prisutni (sa duplikatom svog urađenog testa).

Konačna rang lista kandidata (pod šifrom koju su kandidati dobili prilikom registracije, bez navođenja ličnih podataka), objavit će se putem informacionog sistema eUNSA kao i na web stranici i oglasnoj ploči Fakulteta u ponedjeljak, 14. 07. 2025. godine.

U roku od pet (5) radnih dana od dana objave konačne rang liste kandidat koji je ostvario pravo na upis je obavezan dostaviti originale uploadovanih dokumenata Fakultetu i izvršiti upis, u suprotnom smatra se da je odustao od upisa na studijski program za koji je aplicirao.

Prilikom bodovanja kandidata u cjelosti će se provoditi Odluka Univerziteta u Sarajevu o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u akademskoj 2025/2026. godini.

Link: <https://www.unsa.ba/konkursi/konkurs-za-upis-studenata-na-univerzitet-u-sarajevu-u-akademskoj-20252026-godini>

Prijemni ispit sastoji se iz testa iz oblasti **Biologija, Hemija i Fizika**.

Kandidat je položio prijemni ispit ukoliko je ostvario najmanje 50% bodova na cijelom testu, a pri tome niti iz jednog predmeta nema manje od 40% bodova. U suprotnom, kandidat nije položio prijemni ispit.

RANGIRANJE KANDIDATA ZA UPIS U PRVU GODINU STUDIJA NA MEDICINSKOM FAKULTETU VRŠIT ĆE SE NA OSNOVU:

1. OPĆEG USPJEHA
2. USPJEHA IZ BOSANSKOG, HRVATSKOG ILI SRPSKOG JEZIKA (SREDNJA ŠKOLA)
3. USPJEHA IZ PREDMETA ZNAČAJNIH ZA STUDIJ - BIOLOGIJE, FIZIKE I HEMIJE (SREDNJA ŠKOLA)
4. REZULTATA POSTIGNUTIH NA PRIJEMNOM ISPITU (TESTOVI IZ BIOLOGIJE, FIZIKE I HEMIJE)
5. REZULTATA OSTVARENIH NA TAKMIČENJIMA IZ PREDMETA RELEVANTNIH ZA STUDIJ MEDICINE (BIOLOGIJA, FIZIKA I HEMIJA, MATERNJI JEZIK)
6. ODLIČAN (5,0) USPJEH IZ SVIH NASTAVNIH PREDMETA I PRIMJERNO VLADANJE U TOKU CJelokupnog srednjoškolskog obrazovanja
7. OSTALA BODOVANJA DEFINIRANA U ODLUCI UNSA O KRITERIJIMA ZA 2024/2025. GODINU
8. PRIORITETA IZBORA STUDIJSKOG PROGRAMA
9. REZULTATA EKSTERNE PROVJERE ZNANJA (U SLUČAJU MEĐUNARODNIH PROGRAMA)

/1/ Način bodovanja po osnovu općeg uspjeha određen je Odlukom o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u studijskoj 2025/2026. godini. Utvrđuje se na način da se prosjek ocjena iz svih predmeta pomnoži sa 4 i zaokruži na dvije decimale (saberu se ocjene, podijele sa brojem predmeta i pomnoži sa 4).

Maksimalan broj bodova: 20

/2/ Način bodovanja po osnovu uspjeha iz značajnih predmeta za odgovarajući studijski program utvrđuje se tako da se prosječna ocjena iz grupe ovih predmeta zaokruži na dvije decimale i pomnoži sa 8.

Maksimalan broj bodova: 40

Spisak predmeta značajnih za studij medicine

1. Biologija
2. Fizika
3. Hemija
4. Maternji jezik (prema Odluci o kriterijima Univerziteta u Sarajevu)

/3/ Način bodovanja po osnovu uspjeha postignutnog na prijemnom ispitu određen je *Odlukom o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u studijskoj 2025/2026. godini.*

Spisak predmeta značajnih za studij medicine iz kojih se polaže prijemni ispit

1. Biologija
2. Fizika
3. Hemija

Maksimalan ukupan broj bodova: 40

/4 i 5/ Vrednovanje rezultata ostvarenih na takmičenjima iz predmeta relevantnih za studij i vrednovanje ODLIČNOG (5,0) USPJEHA IZ SVIH NASTAVNIH PREDMETA I PRIMJERENOG VLADANJA U TOKU CJELOKUPNOG SREDNJOŠKOLSKOG OBRAZOVANJA“, određen je *Odlukom o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu u akademskoj 2025/2026. godini.*

Kandidatima sa završenom srednjom školom u četvorogodišnjem trajanju po međunarodnim programima odobrenim od strane nadležnog ministarstva i koji su polagali (međunarodnu) eksternu maturu iz predmeta od značaja za studij u završnom razredu srednje škole dodjeljuju se dodatni bodovi za uspjeh na eksternoj maturi za svaki pojedinačni predmet po slijedećoj šemi:

- Ocjena A* ili A - 3 boda
- Ocjena B – 2 boda
- Ocjena C - 1 bod

Kandidate sa završenom srednjom školom po međunarodnim programima odobrenim od strane nadležnog ministarstva, a čiji se rezultati (međunarodne) eksterne provjere znanja objavljuju u avgustu ili septembru, organizaciona jedinica je dužna uključiti u postupak za upis i prije izdavanja dokaza o položenim ispitima eksterne provjere znanja.

Bodovanje uspjeha ovih kandidata se vrši na osnovu predviđenih ocjena (forecast grades) koji daju predmetni profesori, uz obavezu dostavljanja sertifikata i/ili diplome prije početka studijske godine.

Ekvivalencija ocjena za kandidate sa završenim IB programom vršit će se u skladu sa Instrukcijom Ministarstva za obrazovanje, nauku i mlade Kantona Sarajevo.

Kandidati koji su srednju školu završili izvan Bosne i Hercegovine imaju pravo učešća na Konkursu i prije izvršenog priznavanja, odnosno ekvivalencije svjedočanstva o završenom srednjoškolskom obrazovanju u inostranstvu. Kandidatima kojima nije završen postupak ekvivalencije dužni su da prilože potvrdu o pokrenutom postupku ekvivalencije. Kandidat može uslovno upisati prvu studijsku godinu prije izvršene ekvivalencije svjedočanstva.

Ukoliko ostane upražnjenih mjesta nakon upisa u prvom prijavnom roku kandidati se mogu prijaviti na drugom prijavnom roku. U skladu sa odlukom Vijeća kandidatima se uvažava položen prijemni ispit na prvom upisnom roku.

Detaljne informacije mogu se dobiti u Službi za nastavu i studentska pitanja Univerziteta u Sarajevu -Medicinskog fakulteta putem email-a:

studentska.sluzba@mf.unsa.ba

jasmina.peljto2@mf.unsa.ba

taida.kapetanovic@mf.unsa.ba

dina.memic@mf.unsa.ba

amra.hamza@mf.unsa.ba

DEKAN

Prof. dr. Amina Valjevac